

Moguće je provesti potpuno deminiranje Brčko Distrikta do 2024. godine



Prvi zamjenik visokoga predstavnika i supervizor za Brčko Distrikt, Michael Scanlan, pozdravlja današnju prekretnicu obilježenu ceremonijom primopredaje bivšega minski sumnjivog područja Brčko Istok. Vizija vlasti Brčkog o potpuno deminiranom Distriktu do 2024. godine postaje stvarnost.

Ovaj cilj ne bi bilo moguće ostvariti bez posvećenosti i stručnosti Savjetodavne skupine za mine, BHMAC-a i Odjeljenja za javnu sigurnost Brčko Distrikta, kao i financijskih sredstava koja je u ovu svrhu osigurao Ured za uklanjanje i smanjenje količine oružja State Departmenta SAD-a.

Deminiranje ne samo da pridonosi boljoj javnoj sigurnosti nego i vraća u prethodno stanje zemljište koje se može koristiti za promociju turizma, poljoprivredno-prerađivačke industrije i razvoja infrastrukture, te na taj način predstavlja katalizator za daljnji ekonomski rast Distrikta. U tom kontekstu, supervizor pozdravlja projekat „Digitalno upravljanje deminiranim zemljištem u Brčko Distriktu“, koji predvodi NV0 „Posavina bez mina“ u cilju ubrzanja ovoga procesa.